


Jekabaara

Jamana

Cikcia ceman n'a musoman kunnafonisében

Faamuya

Yiriwaton



Dakunw

№ 2
Nebila

№ 3
Jumufagan lasinsinna Mali
cucu

№ 5
Jamana kunnasigi Ala jekoro
ani Malidenw jamakulu jéna

№ 7
Mali jamana dakabana kuma
naani

№ 10 ani 12

Malidenw ka Peresidan kura
bolo bc don baarala don
jumen ?


ALIFA UMAR KONARE

MALIDENW KA PERESIDAN SUGANDILEN



Ka se duguw ma

MOGO KO-DON BE, I KO-BEE-DON TE




Nebila

Dijé ye kuntiennabolo ye. Bamananw ko ten. Waati fana ye tuma-fé-ko ye. Ko bëe b'a tuma fë. O de b'a ke an b'a fo ko waati kerenkerennenya b'a forobaya soso. Nin tijew de kanma, jekabaara boko in kera danma boko ye min kono ko bëe lajelen b'an ka jamana jemufanga sinsinni kan. Nka o koro te ko laada wulila. Boko nata kono an be segin an sen koro ma ni cike baaradaw (MAKOCl, Ofisi, OHV...) kunnafoniw ni kunnafoni werew dili y'aw ma. Nka nin sen in na an y'a naniya, aw yerew kunnafoni kojuman kanma, ka kuma aw ye Mali peresidan kura kan : a nacogo, a ka baara keta ; a fora minnu kó. Nin kunnafoniw de bëe lajelen bëe boko in ke peresidan kura sigili boko kerenkerennen ye. Jekabaara boko in y'a danma "gafe"

kerenkerennen ye mogo be min kalan ani k'a lamara i denw ani i modenw n'i bonsorw bëe ka kalanni kanma k'a d'a kono kow taabolo kan minnu b'an ka jamana waati girinba do kan. San tan ani san-tan-mayelema Malidenw n'a fo ko Mali jemufanga sabatira 1991 san ni 1992 san sugandili wotebaw sen fe minnu kera sababu ye ka sariya bakun ni mériw an'u kankorosigiw ni depitew ni peresidan sigi, ladiriya la, fasodenw fe. San keme yirika ninan kó, a na fo ko Mali jemufanga lasabitaga kera Amadu Tumani Ture ye, peresidan folo kera Alifa Umar Konare ye, ko karisa ni karisaw fora o kó, ni Ala sonna ! Aa, jemufanga ka di a donbaga bolo koyi ! Siga b'a diya la mogo de bolo mogo min b'a ni yeresagoke da. Non te, mun ka

di ka taasira bo, fasoden kelen-kelen bëe joyorë be lakodon a ye min fe faso jolila ? Modibo Keyita y'a tile ke. Musa Tarawele ni Amadu Tumani Ture for'o ko. Bi bi in na, an be "Alifatile" laben na. Nin ye mogoba naani togo folen y'aw ye cogoya bëe be minnu danfara fo n'a kera Mali peresidanya ye : danbe, jogo ; kewale ; faso maracogo ; faso nafasorosiraw labugunni n'u lakanani fo ka se fasodenw josiraw latangali ma. Aa, Mali in kono, ko caman kera k'a daminé an ka yere ta la 1960 san kalo 9n tile 22 la fo ka se bi peresidan kura sigi ma. N'o kunfan b'aw la, a ye Jekabaara in kalan k'a kono ko faamuya !

Tumani Yalam Sidibe
ko Banumanké



Mali jemufanga furew kunnawolora

Ka se duguw na


Jemufanga lasinsinna Mali kono

Uf ! Ala dan ka nin k'an ye sa dëre !

Bi-bi in na, maliden halala kelen-kelen bëe b'a kunnawolokënë kan, k'o sababu k'an sago keli y'an ye. Ala k'an demen halibi. Mali jemufanga laninini sira kan, mögo caman joli bona, an të se k'o fo ka ban. Nka mögo be se k'a fo bi ko jemufanga in mögo sabagaw n'a mögo joginnenw kera yerebolow y'an ka jamana in kono. Aw k'a laje kow sabatili lateliyara njogon k'cogo min na. K'a ta jamana kono sigi-kafoba la min daminenä 1991 san kalo 7 n tile 29, ka t'a kuncë 1991 san kalo 8 n tile 12 la, fo ka na se bi ma, n'o ye jamana kuntigi sigili-wote wuliko filanan ye (1992 san kalo 4 n tile 26), nebila wale caman kera minnu ye : 1992 san kalo 1 tile 12 don hakilinanñiniye sariya bajukan ; 1992 san kalo 1 tile 19 don, meriw n'u kankorosigiw sugandiliwote ; 1992 san kalo 2 n tile 23 don, depitesigi wote sen folo n'a sen filanan min kera 1992 san kalo 3 n tile 8, fo ka na se jamana kuntigisigi wote sen folo don ma min kera 1992 san kalo 4n tile 12 (aw ye jekabaara kalo 3n boko laje).

Nin wale ninnu bëe keli jelenya ni tilennenya la tan, ka tugu njogon k'cogo, waati kunkurunin kono (san kelen), o b'a jira ko malidenw tun bëe yelema lakika no fe, tijë yere la jamana taabolow la.

Nka, an bëe kelen-kelen ka kan k'a to an hakili la de fana ko jemufanga lasinsinni danma t'a ye, nk'a ka la-kanna, o de y'a ko lagelëmanba ye. Ale b'i komi kogo de i bëe min tufadew sigi siye kelen, nka n'i b'a mun tuma o tuma. Jemufanga dun ladon-sira folo n'a kunbabä ye jamana den kelen kelen bëe ka joyçordon ye faso kono. Yalia te fowa ko : ni dutigi kelen-kelen bëe y'a mako don a ka bulonda saniyalia la, jamana fan bëe be saniya wa" ? An bëe kelen-kelen de ka kan k'a to an hakili la ko jamana jolibaara te jamana kuntigi ni depitew ani meriw n'u kankorosigiw dörön ka ko ye. Olu y'an bilasirabagaw dörön de ye. An



1991 san kalo 3n ni bi ce...



... sugandi wote caman kera.


bëe ka kan k'o to an hakili la an ka forow n'an ka bagangenyorow an'an ka monnikeyorow la ; an bëe ka kan k'o to an hakili la an ka jagokeyorow n'an ka baara keyorow ani an ka farikolojenajeyorow la ; an bëe ka kan k'o to an hakili la an ka lénposarayorow n'an ka kalanyorow la ; an ka gabuguw n'an ka hadamadenya lateményorow kelen-kelen bëe la. N'o

kera an të na nimisa an ka jemufangako la.

Jamana kuntigi sigiwotew

Sen folo, 1992 san kalo 4n tile 12. (Aw ye o taasiraw kunnafoni bëe soro kosan-fe-jekabaara kono). Nin yoroin na, an b'o jaabiw d'aw tulo kan, olu minnu kera sababu ye ka wote sen filanan ko to ADEMA Alfa Umar

Ka se duguw ma



Malidenw y'u ka meriw, depitew...

KONARE ni USRDA Cewulen Mamadu KONATE bolo. Wuliko folo in tun be mogo kononton de bolo minnu kelen-kelen bee tun sigilen be n'u ka nesoro ye, barisa mogo te mugu k'i da n'a niginji t'i bolo de ! Nka u bee kelen-kelen fana koni tun dalen b'a la ko kuntigi fila tun te na sugandi jamana in kanma de ! O de siratge la, 1992 san kalo 4n tile 12 wote-gundo-sonin y'u bee kelen-kelen sigi u sigikurun kan. Dow ko ko mogow ma bo i n'a fo menemene kulu ; dow ko ko nanbara kera ; dow yere ko ko wotew waati surunyara noggona kosebe. Nin kuma ninnu bee koni ye " na n ka do fo ye" barisa sodansow mana wuli noggofe, kun were t'o la nekuntabaga ni kokuntabaga kde ! O wuliko folo o ye sugandikan-hake min di mogo kononton kelen-kelen ma, o kera ninu de ye :

Alfa Umar Konare : mogo 44, ni to 95 sonna o ye keme na (44,95 %)

Cewulen Mamadu Konate : mogo 14 ni to 51 sonna o ye keme na (14,51 %)

Muntaga Tali : mogo 11 ni to 41 sonna o ye keme na (11,41 %)

Alimami Sila : mogo 9 ni to 44 sonna o ye keme na (9,44 %)

Baba Hakib Hayidara : mogo 7 ni to 37 sonna o ye keme na (7,37 %)

Idrisa Trawele : mogo 4 ni to 10 sonna o ye keme na (4,10 %)

Amadu Ali Nangadu : mogo 4 ni to 01 sonna o ye keme na (54,01 %)

Mamadu Maribaturu Jabi : mogo 2 ni to 16 sonna o ye keme na (2,16 %)

Denba Musa Jalo : mogo 2 ni to 04 sonna o ye keme na (2,04 %)

Wuliko folo o sen fe mogo woteta kuuru hakela, mogo 23 ni to de wotera mogo keme-keme na (23 %). J'a fo Mali wote sariya gafeba dun b'a fo

cogo min na, ni mogo kelen sera ka sugandilen kanhake 51 soro keme na wote sen folo la, o y'o tigi sugandilen ye.

N'o m'a ke, wote sen filanan be ke nekuntabaga mogo fila ce. Ode y'a to Alfa ni Cewulen ye noggona soro wote sen filanan kene kan 1992 san kalo 4n tile 26 don.

Wote sen filanan

O sen fe, Malidenw ma sira fila min. U fanba (69,01 %) y'u kan di Alfa ma, k'a soro 30,99 % y'u sago don Cewulen na. O wote sen filanan o la, wotebaga sebennen mogo 20 ni to 87 de bora keme na, ka wote (20,87%).

Nin wote sen filanan jaabi de b'a to Alfa be sigi Mali jamana kuntiya wolo kan san duuru kanma (fo 1997 san). O be se ka rokuraya wote were sen fe 1997 san na, san duuru were kanma, ni jamanadenw y'u ka danaya da a kan i'n'a fo y'a ke cogo min na, wote sen filanan in sen fe. O danaya o dun dulonnen don a ka san duuru folo in de jamana-jo-baara cogoya la. O yere de ye jemufanga danfara ka bo mogo-kelen-fanga la. Jemufanga kono, jamandenw sago b'u ka nemmaaw la, nka mogo-kelen-fangataamaseere ye yeresagokye !

Tumani Yalam Sidibe



... ani u ka peresidan sigi ladiriya la.

Ka se duguw ma



Jamana kunnasigi Ala nekoro ani Malidenw jamakulu jena

Folisen min ye demokarasi (jemufanga) ye, a donni ye daamuye. Alihamudulayi, bara labilala, nka kunnasiri doonin be anw na. O bee na ta, tamaki kunte. Peresidan, jamanatigi, jamana nemogoo, nin bee ye jamana kunnasigibaga ko ye. Sanni a ka faso kerengkerenni baara damine, min ye kalifa ye, a be a kan di fasodenw ma. Okonona na Maliden kelen-kelen, ani

u bee jelen, be ninyoro ani joyoro soro. Masaya sosobali binne koo, mun ka geelen Malidenw ma ?

- Jamana je-ka-fo sigikan waleya-li sabatili,
- Sariya minw tiimeni be sigi kunkorota ani k'a diya Mali la,
- Forobafanga, benkanfanga hakilinan ani a wale lakika jenamayali,
- Faso sigi gun, faso dugukolo

kelenya badabadali,

- Nemogoya keli jama nafali jaati siratege la

Ni ninw bora u sira fe, sigi te na ke Malidenw kan. O de koson Peresidan be i kali ninnu kan. O koo a be i sigi demokarasi-masa-sensoron-wolo kan. Mali banginna kokura 1991 san kalo 3nan tile 26, nka faso ma kisi. O la sa, ci be Maliden bee ma :

- Ka ke faso fe, ka fasodenw kanu. Fen juman caman be o kono ma.

Faso kunkanko, a wale misikara-jarati, o ye an kelen-kelen joyoro ye. Sebe la, sebe la ni an bee ye hakilinan ani an bolo falen-falen ani k'u kafo, Mali kura na kisi an bee ye. Sanga ani waati bee an ka kan ka min seereya o ye Peresidan ka kalikan min folen don sariya sun fe. O kalikan file nin ye :

"N be kali sabatilenya la, Ala ani Malidenw nekoro ko n be sariyafanga lasabati, ko n be sariya bakun labato ani faso labaara sariya tobee; ko n be n ka baara ke faso ka nafaba sabatili hakilinan kono; ko n be jemufanga lasinsin ani faso ka kelenya, ni jamana ka yeremahoronya, ko n be faso dugukolo latanga. N be n kali n danbe la ko n be wale bee ke walasa ka Afriki ka kelenya lawaleya".

Karamogo Zan Samake

"LPK" Bamako

JEKABAARA

1992 san kalo duurunan

Nº 6

Ka se duguw ma



Alifa Umar KONARE
Malidenw ka Peresidan kura sugandilen


Mali Jamana dakabanan kuma naani

Malijamanaye jamana kɔrɔba ye min lakodɔnna dijɛ dɔnnikelabaw fɛ kabini lawale la, k'a ta Ibnu Batuta la, o min ye larabu dɔnnikelaba ye, ka se Faransika Erene KAYE ma ani an bara jeli hakilimaw ni dijɛ mɔgɔ dɔnnikelaba wɛrew, min-nu bɛe kumana Mali kan. U ka kunnafoniw b'a jira ko Mali te bi-la-jamana ye. N'an ko k'an bɛ kuma Mali kan k'a ta a ceba lakodɔnnen fɔlɔ ka waati la, min tɔgɔ tun ye ko Baramadana, fɔ kana se bi ma, tile bɛ b'an na ka

sorɔ a ma se a tilance la. O de kanma, an y'a naniya ka kuma aw ye Mali lawale surun kan, n'o b'a damine 1960 san kalo 9 tile 22 la ka se bi ma. "Lawale te tunu, a te rɔkuraya, nk'a b'a cogo kelen de la waati bɛe. Ni mɔgɔ min ko k'i b'a don bɔgɔ la, a b'o mɔgɔ o de benben dugu rɔ, k'o k'a temensira do ye".

k'a ta 1960 san kalo 9 n tile 22 la, ka na se bi-bi in ma, waleba caman kera Mali kɔnɔ minnu daminera ni yereta ye. Waleba ninnu n'u caya bɛe, u bɛ don tile

naani de kɔnɔ. O tile naani fana kelen-kelen bɛ ce kelen kelen de taamasereya. O kɔson, an b'a fɔ ko Mali kunu (1960) n'a bi (1992) ye : Modibotile, Musatile, Amadutile ani Alifatile de ye. O tile kelen-o-kelen kunti-lennan dira kumakan dɔ de fɛ. O kumaw bɛe tun ye dakabanan kumaw ye. Nka u lawaleya-cogo de y'u barikamaya walima k'u lakolonya. Ayiwa an ka temen ni lawale ye.



Mali famaso

Ka se duguw ma

Modibo tile

"Nson suguya saba de no minenen don lakanatigilamogow fe : binkannikela min be bin mogo kan su fe ; jagokela min be yuruguyurugu ke ; forobabaarakela min be yuruguyurugu lasintin ..."

Modibo KEYITA

Mali jamana fangabolo fols Peresid dan fols 1960 san kalo 9 nan tile 22 fo 1968 san kalo 11 n tile 19

I n'a fo a tun be nin fo cogo min na, Modibo tun dalen b'a la ko jamana in n'a ka waati-fantanya bee, k'a be se kabonogola n'a denw dijenna n'o ye. I n'a fo dije baara girin bee, a tun dalen b'a la fana k'o b'onogolali te taa baara ni segen ani yeredi k'o fasoden kelen-kelen bee fe. Yali 1917 yeredi murutiba de m'a to ni irisila kera dije jamanabaw ro fangama jamanaba do ro kelen ye wa ? yali 1966 san yelembaw n'a yeredibaw de m'a to ni sinwa jamana denw ye kulubaw diyagoya bayelema k'ucikeforobaw ye wa ? Nin misaliw n'u jogonna caman tun be dije kono min kelen-kelenna tun y'a ka kalanso ye fasoden numan bolo. Modibo tun y'a don ko ko fila be nogon da fe minnu te taa nogon k'o, n'u dun te kelen ye fana. o ko fila tun ye nogon lakodon ye jamanaw ni nogon ce ani jenogonya jamanaw ni nogonce. Ode kanma, Modibo tun ye nogonlakodonsira bo Mali jamana ni dije fan tan ni naani jamanaw bee ni nogon ce, k'a soro a be ka banbanni don Mali ni komini jamanaw ka jenogonyasiraw la. O jenogonyasiraw bangera ni alimanw ni cekiw ka kamiyawnaw n'u ka karibaw nini ye. Mali la 1961 san ; Pankurun-baw jurudonni Mali jamana na irisiw fe 1961/1962 sanw la ; bayelemadabaw joli Mali kono sinwaw ni korekaw fe ; kalansobaw dili Mali ma irisiw fe ani netaabaaradaba werew laseli Mali ma jamana werew fe. Fen min tun ye netaasira ninnu ro sira belebele ye, o de tun ye fasaden yere hakili n'u dusu lamini ye ka tha fasobaara ma. I n'a fo denmisew un b'a fo u ka fasotaanudonkili la



Modibo KEYITA

1966 san na cogo min na, Mali fasoden kelen-kelen bee tun dalen b'a la ko Modibo kumakan ye kisili tabale gosi ! Dogotorow ; lakolikaramogow, forobabaarakela tow bee, ka se bololabaarakela tow ni fasoden tow bee ma, Modibo tun ye dankelen ye min be na Mali bo nogon la. O de kanma, o kelen si tun t'u ka baara mine ni hakili fila ye. U tun b'a ke a kecogo la, barisa a be fo ko kami b'a nemogo de ton laje. N'i y'a men yuruguyurugu ni nanbara ani dun kojugu were jamanadenw bolo, olu b'o ye fole nemogo de la de. Nin fasojowalebaw date, Modibo tun ye lakanasiraw sige sen kan, minnu ye "birigadiye" ni "milisen" ye, a ma se ka minnu ka baara kolosi a ne berebere ma. O de kanma 1967 ni 1968 sanw kera jamanadenw poroporo sanw ye milisisew fe. K'a takungo-kono-mogow la, kana se duguba-kono-mogow la, bee y'a danma degunsiranin soro. Modibo y'o ko to senna ka depiteblon sigilen ci, k'o nonabila ni "erevolison" latangaton do ye min tun be wele ko

"CNDR". 1967 sanna, Modibodijena k'an ka yretawari barika labin geleyaw kanma, min y'a doreme 2 dalii ye sefawari doreme 1 ma. O tun kera walasa ka se ka demenwari soro dije nafolobonba fe. Modibo, siga tile kelen ma don min ka fasoden numanya la don si da kelen, min kalikan tun ye ko Ala ka Mali jugu malo, hali n'a kera ale yere ye, o Modibo o de ka filisira danmado in nana ni 1968 san kalo 11 n tile 19 fangabolo yelema ye. Modibo dun ka fili kera mun ye ? Fili kelenpe o tun ye senekemasin bilali ye senekem minenw ne. Jamana bee n'a ka ko faamuya hake don ka ben don waati ma. Modibo ye baaraba ke Mali in kono, hali a jugu kun kelen te se k'o nkalontigiya, k'a masoro, fo ka se bi don in ma, an ka netaayiriwada (75 %), sikarati dilanyoro, simandilanyoro, Somiex (SOMIEX), OPAMU..., olu bee ye Modibotile fenw ye. Nka jeg'e kelen mana toli, o be seegifa jeg'e bee kunnangoya de !

Ka se duguw ma

Musatile

"Politikiton kelen wa ? Awon. Mogô kelen wa ? Ayi".

Musa TRAWELE

Mali jamana fangabolo filanan Peresidan fôlô 1968 san kalo 11 tile 19, 1991 san, kalo 3 n tile 26

Walasa ka Malidenw bo milisenfanga kono ani mogô-kelenfanga, sorodasi jalatigi 18 jera ka dansigi peresidan Modibo ka fanga la 1968 san kalo 11 n tile 19. O sorodasiw ka nemogoya tun be yetinan Musa Trawele togô dô bolo, min tun ye milisenw kalanbaga ye fôka se o don ma (taratadon). U yere ka kali-kan fôlô la, u y'a jira fasodenw la k'u nakun te fanga marali ye. Ko ni kow seginn'u cogo la k'u be fanga lasegin siwiliw ma. U y'a pereperelatige yere k'u te na temen kalo 6 kan. Mogow sorola, i n'a fo Alifa Umar Konare ani Adulayi Bariw n'u njogonnaw, minnu murutira sorodasiw ka fangata in ma. Olu kera sorodasi fanga kasoden fôlôw ye. U dun y'u bolo jesin yoro min na, tile bora yen, barisa kalo 6 dalen temenna fôka kalo 6 were da o kan ka "CMLN" (fanga tabaga sorodasiw ka jekulu togô) to fanga la. Mogow yere y'a kôlosi k'u be k'u cogo ka t'a fe de fanga la. U yere weye njogon silatunu o de kanma : Dibi Sila ; Yoro Jakite ; Mamadu Sisoko ; Cekoro Bagayokow... Tileotile, sorodasi fanga tun be lasinsin doonin-doonin jamana kono. O gangan na, diyagoya yelembaw donna hali Mali baarakelaw ka tonba "UNTM" nemogoda la walasa k'a da don sorodasiw ka file da la. 1968 ni 1978 ce, Yetinanw bëe kera koloneliw n'i zererâliw ye an bolo. A kera Sumaworo ka Mandekelé ye. Filen birila bëe da la. Mogô si te se k'a fôko suu walima haan ! Walasa ka dijë ne fau ka fanga la, sorodasiw y'a laje ka



Musa TRAWELE

jemufanga sawura dô sigi sen kan 1974 san na ni jama hakilinanta ninini ye sariya baju kan. Mogow sorola minnu y'o ko kuntaa fan don yoronin kelen i n'a fo Ibrahima Liw... Olu ye mogow wele gundolaseben kono, k'u k'u ban hakilinanta di in ma. O kera sababu ye k'olu lase Tawudeni kasobon jugu la, u lanagasira yoro min. O sariya baju o de bangera Politikiton na min tun be wele ko "UDPM", n'o sigira sen kan 1976 san na, k'a nemogoya di Musa Trawele ma. O "UDPM" de ye Mali lase 1991 san kalo 3 n tile 26 yelembaw ma, k'a d'a nemogow ka banni ma fanga forobayali ma. Geleyaw ni jigitjew, baara desew ni baara-bo n bolow ; faantaya jubaju, denmisew ka sinjiesigifentanya, aa, ni dô te fara geleyaw kan, fen te bo a la. O bëe be senna jamana kono, Musa be kelébankonoya la jamana werew kono.

A kera sebe ta ye, min suma t'a korefen nafa f'a yorjanfen. Musa kera nsirasun ye Malidenw bolo, jiriba nafantan. K'a fara o kan, faso nafolo n'a nafolo sorodaw ker'a muso n'o balimaw an'ale yere ka fanga lasinsinbagaw bolo facien ye.

K'a ta 1988 san kalo 5 n na, fo 1989 san kalo 7 nan, Musa y'o kalo 14 ke Afiriki jamanaw ka kelenya tonba "OUA" nemogoya la. Oy'a fa a yere la ka t'a fe. O kera sababu fana ye a dungew bolo ka waso n'a ka masaya ye barisa, kabi 1963 san, ton in sigi san sen kan, fo waati, jamana nemaa were tun ma temen san kelen kan ton in kunna fôlô (kalo 12).

O Kera sababu ye Musa bolo fana ka birifini biri a yere ka jamana kono geleyaw kan dijë horonya ni adamadenw josiraw bonya jamanaw nemokro. Nka bëe b'a don ko dijë kow b'i komi

Ka se duguw ma

sefan n'a kōnōfēn de. Utē to bōbali ye de kēnē kan !

1990 san nana kē tijē bange san ye Mali kōnō, k'a da ko naani kan.

Fōlo 1990 san kalo 10n tile 15, denmisennin danmado y'u nin di Ala ma ka bōbōlōn fe jemufanga tōgo la. O kēra kēnē kan. Tijē don, polisiw kōnna u ma k'u jēnēn. Nka o kēra sababu kōni ye ka mōgōw ja gēleya Musa ka san 22 fanga jugu ma.

Filanen : 1990 san kalo 12n tile 3, Bamako jagokēla misenninw fana kēra ka bōlōn fa, Bamako marakuntigi ka sariya jugu talenw lawullili kanma. O fana kēra sababu ye ka mōgōw ja lamin ka t'a fe fanga jugu nēkōrō.

Nin wuli-ka-jō ninnu sen fe, jemufanga sabatiton fila sigira sen kan, n'o ye "CNID" ye min bangera 1990 san kalo 10 tile 18 ani "ADEMA", min bangera kalo 10n tile 24.

Nin ko ninnu bēe lamin ji kēra kēnyērēye kunnafonisēbenw de ye minnu ye hiyabu bō Musa ka fanga jugu gundo kan. O kunnafonisēbenw ye :

Fōlo : "Les Echos" (Eko) min bangerā 1989 san kalo 3ntile 17, jamana baarada kōnō.

Filanen : "Aurore" (Oror) min bangerā 1990 san kalo 2n tile 22, kēnyērēye tigilamōgō wērew fe.

Musa min tun darōkan ye ko : politikitōn kelenko yetijēye, nka mōgō kelenko ye nkalon ye Mali kōnō, o Musa o de nan'a nē bērebēre bila kēnē kan. Lakolidenw ni fasoden tow ka wuli-ka-jō nana damine. o de y'a to, Musa y'i kanto kēnē kan 1990 san kalo 12 tile 31, k'a bē n'a ta kē "jahama" jigini de ye Malidenw kan sa n'u ma fara ale ka fanga la.

Aa, ni daga wulila, a kōnōfēn bē

bōn de. K'a ta o don de la sa fo 1991 san kalo 3ntile 25, Musa y'a ka lahidu bō a sira fe. Malidenw bōnēna u ni na, a caman kēra lojuratō ye. A caman yērē jenina butikiw kōnō. Minnu su filira bajiw ni dogonmayorō wērew la, o hake ma dōn. 1991 san kalo 3n tile 22, Malibaarakelaw katōba "UNTM" y'a jo a joyorō la k'a jira Musa la ko n'a n'a ka setigiw an'a ka depitew m'u joyorō labila, ko baara tē kē Mali kōnō. Tile saba, baara ma kē jamana kōnō. Ode kanma, kalo 3n o tile 25 su fe k'a dugu je a tile 26 la, sōrōdasi hōrōn dōw ye faso fisaya ni Musa ye. Olu ye dan sigi a ka fanga la. O sōrōdasiw ka nēmaaya tun bē Amadu Tumani TURE bolo. O don fana kēra Mali ka lawalegafe nē dōwērē yēlema don ye. A donna tile kura wēre la, n'o ye Amadutile ye.

Amadutile

"Sōrōdasiw nana farakuru do de fara fasodenw ka wuli-ka-jō baara jōcogo kan"

Amadu Tumani TURE
"CTSP" Peresidan 1991 san kalo 3n tile 26 fo 1992 san kalo.....

Amadu Tumani TURE sigikun tun kērenkerēnnēn don. An'a ka jekuluw tun ka kan ka jemufanga sigisiraw de bō Mali kōnō. O de kanma kalo 9 de tun dir'a ma. A ka jekulu olu kēra fila ye.

Fōlo, o kēra "CTSP" ye, n'o ye fangabolo latemenda ye. "CTSP" o mōgōw sugandira sōrōdasiw la ani siwiliw. O nēmōgōya tun bē Amadu Tumani TURE yērē bolo.

Filanen : o kēra setigiblon ye min nēmōgōya tun bē Sumanā SAKO bolo.

Nin jekulu fila ninnu bēe kuntigiba tun ye Amadu Tumani Ture ye.

Baara bolodalēn minnu tun dira



Amadu Tumani TURE

Ka se duguw ma

"CTSP" ma a ka fanga waati kono, olu tun ye :

- 1 Jamana sigi-ka-foba
- 2 Sariya baju kura sigili sen kan
- 3 Hakililanini sariya baju talen kan
- 4 Meriw n'u kankorosigwi sigili wote
- 5 Depitew sigili wote
- 6 Peresidan sigili wote.

Hali n'a daw kewaati bora u doogo

kono, "CTSP" ni setigiblon y'u seko ke olu siratege la. Geleyanin daw donna kow senkoro min kera sababu ye k'a "CTSP" yere ka waati kuntaala janya ka temen kalo 9 kan. Nka o n'ata bee, mogo be se k'a fo ko jamana kono kogelaw bee basira walima ko basiko for'u la "CTSP" ka waatiw kono. Cikelaw ; kalanbolow ; jagokelaw ; bolifentigiy... ninnu bee togoa kunko fokene sigira sen kan. Lakoliso kuraw

jora. Baara caman were kera k'a da baara bolodalenw kan. Baara caman fana kebali tora. Nka mogo hakilima bee b'a don ko "CTSP" tun mana baara bee keli kanma. An be se k'a fo ka Amadu Tumani TURE n'a jemufonw y'u joyoro fa k'a da wote bolodalenw bee lawaleyalii kan min kuncera ni Malidenw ka danaya dali ye Alifa Umar KONARE kan 1992 san kalo 4ntile 26 don, k'a k'uka peresidan ye.


Alifatile

"Mogo kelen walima politikiton kelen te na bila faso Mali in baara la. Jemufanga dungew bee de be baara in ke."

Alifa Umaru KONARE, Mali jamana fangabolo sabanan peresidan folo sugandilen 1992 san kalo 4n tile 26 wote

Amadu Tumani ka wale bee la, fanga latemenwaati in kono, mogo be se k'a fo k'olu la kologirinw kera bensenbe sabatilen bolonoyalen ye Malidenw bolo, Mali woroduguyan-fan keleko la. O benseben o min bolooyara Bamako 1992 sankalo 4n tile 11 fitirida waati la, Maliden murutilenw togoamogo fe ani Mali marabolow setigi fe, o ye wale ye min b'an ka "CTSP" n'a ka setigiblon mogow togo don Mali jamana lawale-gafe kono fo badaa-badaa. Mun be ben bo dije kono, sanko jamana kono ben ? Sanko jamana kelen denw ce ben ? Sanko jamana marayoro do konomogow ce ben ? Fosit'o bo barisa yiriwasira bee baju ye hakilisigi de ye. An ka Ala deli sa a k'an ka bennkanseben kono kono lawaleyalii ke kene kanda ye. Ala m'o kera an ye. Amiina.

Alifa Umar Konare min sugandilen file Mali fanga wolo kanma san duuru



Alifa Umaru KONARE

folo kanma, o te mogo gansan ye jemufanga sinsinniko la Mali konoyan. Alifa Umar Konare te Bamako lakolisoba "ENSUP" karamogo koro danma ye, gafe saraman sebenbaga fana don i n'a fo Mali jamana ka donbaw gafe ; baara kabakomaw kebaga do fana don, i n'a fo jamana baarada min sigira sen kan 1986 san

na ni mogo kalo saratala fila doren ye anikunnafoniseben kelen, nka ni mogo 36 jogon b'u n'u ka denbaya dahirim soryen bi. Alifa Umar Konare ye dije fen-koro-marayoro togoa jekuluba fana neemaaye. Alifa Umar Konare ye Mali jemufanga dunge njana ye, min ye Sorodasifanga keleli damine Mali

kono kabini 1968 san na fo bi. Alifa Umar Konare ye "MUTEC" fana jujon ye, o min kera lakolikaramogo nejicedementoye. Abe fo ko don min be na diya, o be don o don o sogomada fe ; a be fo fana ko sagadennin sinmicogo b'a ke jigi ye. O bee b'a jira ko dakabananko bee be sinsin a jujon de la. Alifa Umar Konare min mogo gansannama sera ka baaradabaw sigisenkan, ka a sekoko jemufafanga sinsinni na Mali kono, o peresidanna-ma be dese k'a joyoro fa faso joli la wa ? An dalen t'o la, nk'an b'o jaabi bila ka 1997 san makono, o min ye san duuru folo kunce san ye. Nka sanni o ce, an bee k'a don, i n'a fo Alifa yerey'a fo cogo min ko kabako mogo te yen. Baarakela de be yen. Alifa ye anw de ka peresidan ye. Awa an bee kelen-kelen de ka faso-jo-baara be dafa ale ta la walasa ka here ni hakilisigi ani sorladon, k'u banban jamana in kono. Fen min ye Alifa yere ye, a ka kan ka tali ke a nemogow ka fanga baara jumanbee la k'ufara ayere kononataw kan, k'a ka faso-jo-baara ke n'u ye. Fen min y'u ka filisiraw ye, a k'a yere baliolu ma. Fen minye Malidenceman n'a musomanw an'a denmisew n'a maakorobaw ye, an bee ka kan k'a don ko jamana si te se ka jo a denw ko. An bee k'an joyoro fa, n'o kera an be je k'an bolo jo here ni sorc an'i hakilisigi tile kura la nogon fe ani k'an waso a yeelen koro. An ka kan ka min don ani k'o to an hakili la, o de ye ko Alifa Umar KONARE te ADEMA tondew ka peresidan ye, nka Maliden bee lajelen de ka peresidan don.

Don o don tulo be taa kalanso. Tulo, kunnandi de fana be ladilikanmen de !

Tumani Yalam Sidibe
ko Banumanké

Malidenw ka peresidan kura bolo be don a ka baara la don jumen ?

Tile fila peresidan sigiwote sen filanan temennen ko, Alifa Umar Konare ye min saraba ce, mogo caman ye nununukan damine kow latemen fanga (CTSP) banwaatiko la. Mogocaman yere b'a miiri ko peresidan kura be na a ka baara-damine ni kunjogon in yere kono ! Walasa ka kow bee lajelen pereperelatige aw ye peresidan kura bolodonwaati kan a ka baara la, an sera Mali sariyasoba la, min ye "cours supreme" ye. Osariyasoba nemaa, Luwi BASTIDI ye kunnafoni min d'an ma, o de file min ye. Wotew jaabi ganselen ko fe jamana kono kow nenab setigi fe, wote kunkankoseben be se sariyasoba la, o min be wotekow taabolo sariyabon nonabila an fe Mali kono yan. Tile duuru (5) be peresidanya nininbaga sansorobali bolo, k'a damine seben in sedon na sariyasoba la, walasa a'ka wote sirajugu lakolosilenw kofjseben lase o sariyasoba kelen na. Ni tile duuru o temenna, yamaruya t'a bolo belen ka banseben bila wote kelen ko kan. Fen min e wote jaabi sabatilen dili ye sariyasoba fe, waati kerenerennen t'o la. Walasa o ka se ka ke, Mali tonkun naani bee wotedaw ka baaranefseben de ka kan folo ka lase sariyasoba la. Olu dun laseli y'u danma gleyako ye, min be se ka kalo kelen walima kalo kelen ni ko ta (...) Lywi Basitidi ka fo la, hali n'o baaranefseben ninnu bee sera sariyasoba la fana, waati kuntaala kerenerennen sigilen te sariyasoba ka wote jaabi sabatilen ganseli la. Seben fosi t'o kan. Luwi Basitidi ka fo la, baara folo ketaw ye jamana kono kow setigiyada ka baara ketaw de ye, jaabi sabatilen ganseli dulonnen don minnu soroli la. N'olu soroli teliyara, sariyasoba fana ka jaabi sabatilen dili waati be se ka lasurunya. N'olu soroli kuntaala janyara, sariyasoba ka jaabi sabatilen dili waati fana kuntaala be lajanya (...) Sariyasoba "Cours Supreme" de dun ka wote jaabi sabatilen dilen tilen 15 ko fe, peresidan kura b'a kali sariyasoba nemogcsoba nekoro, ka sorc k'a bolo don a ka baara la.

Ninikali kebaa tubabukan na
Bubakari Sangare, ("Eko") kunnafoniseben)
Bayelemabaa
Tumani Yalam Sidibe.